



## Yãmb sã n na n maan we-keenga, bi y ra tees Alkiblã, ra gũd-y-yã-a y zãn-kuidgã ye, tees-y wĩndg sãn pukdẽ maa a sãn luttẽ

Yii a Abu Ayub Al-ansaary nengẽ (Wënd yard be a yĩnga) ti ad Wënd Tën-tuumã (Wënd puusg la A tulgr be a yĩnga) yeelame: «Yãmb sã n na n maan we-keenga, bi y ra tees Alkiblã, ra gũd-y-yã-a y zãn-kuidgã ye, tees-y wĩndg sãn pukdẽ maa a sãn luttẽ», a Abu Ayyub yeelame: ti tønd keng saam n ti mik ko-solsids sãn me n tees Alkiblã, ti tønd kullẽ la d kot Wënd yaafa, (A Naam zẽkame).

[Naşun Şahuhun (Gom-sikdem sãn manege)] [B zemsa taab a zugu (A Al-Buħariy la a Muslim n reeg-a)]

Nabiyaamã (Wënd puusg la A tulgr be a yĩnga) gũdga ned ning sãn wa n rat n na n maan we-keenga, zem ti yaa ruudem maa we-keenga, t'a ra tees Alkiblã sãn yaa Mak Roogã togellã ye, a ra leb n rik a poorã n tees-a ye, a sõmbame n kull n bas Alkiblã wĩntoog sãn luttẽ maa a sãn pukdẽ, ti sã n mik ti yẽ Alkiblã yaa wala Madiin rãmb Alkiblã. Rẽ poorẽ t'a Abu Ayub (Wënd yard be a yĩnga) kõi-b kibare, ti bãmb sãn wa n keng Şaamã, b mika ko-soods sãn me ti yaa we-keeng maaneg zĩiga, la b me-b lame n tees Mak Roogã keengẽ, ti bãmb sã n kẽ bi b kullẽ b yĩnsã n basd Alkiblã, la sãn lagem ne rẽ fãa gilli, b kota Wënd yaafa.

<https://sunnah.global/hadeeth/mos/show/3078>

